

Svar

forsætisráðherra við fyrirspurn frá Birni Leví Gunnarssyni um ferðakostnað og dagpeninga ráðherra og ráðuneytisstjóra.

1. *Hver var frá árinu 2006 árlegur fjöldi ferða ráðherra annars vegar og hins vegar ráðuneytisstjóra til útlanda vegna starfa á vegum ráðuneytisins?*

Eftirfarandi tafla sýnir árlegan fjölda ferða ráðherra annars vegar og hins vegar ráðuneytisstjóra til útlanda vegna starfa á vegum ráðuneytisins frá árinu 2006.

	Fjöldi ferða ráðherra	Fjöldi ferða ráðuneytisstjóri
2006	9	13
2007	9	12
2008	13	14
2009	2	3
2010	7	4
2011	6	5
2012	6	2
2013	11	8
2014	6	3
2015	8	7
2016	6	7
2017	7	5

2. *Hve háar voru árlegar greiðslur dagpeninga hvors um sig vegna þessara ferða?*

Fjallað er um greiðslu ferðakostnaðar vegna ferðalaga á vegum ríkisins í reglum fjármála-ráðuneytisins nr. 1/2009. Þar kemur fram að ráðherrum og forseta Hæstaréttar skuli greiddir 2/3 hlutar dagpeninga, en 1/3 hluti dagpeninga ef um opinbera heimsókn er að ræða. Auk þess skal þeim greiddur ferða- og gistikostnaður, risnukostnaður og símtöl. Í eldri reglum um greiðslu ferðakostnaðar, nr. 39/1992, kom fram að ráðherrum og forseta Hæstaréttar skyldu greiddir fullir dagpeningar. Auk þess skyldi greiða ferða- og gistikostnað, risnukostnað og símtöl. Samkvæmt sömu reglum skyldu ráðuneytisstjórum, auk fleiri sem sérregla gilti um, greiddir 4/5 hlutar fullra dagpeninga, auk ferða-, gisti- og símakostnaðar. Með breytingunni árið 2009 lækkaði fjárhæð dagpeninga vegna ferða ráðherra sem endurspeglar m.a. þann kostnað sem óhjákvæmilega fellur til vegna ferðalaga og dagpeningagreiðslum er ætlað að standa undir. Að sama skapi var sérregla ráðuneytisstjóra og fleiri afnumin.

Eftirfarandi tafla sýnir hve háar árlegar greiðslur dagpeninga ráðherra annars vegar og hins vegar ráðuneytisstjóra voru frá árinu 2006.

	Dagpeningar ráðherra	Dagpeningar ráðuneytisstjóri
2006	693.592	672.257
2007	891.565	874.841
2008	1.741.146	1.434.766
2009	218.188	139.976
2010	694.409	251.826
2011	419.121	331.086
2012	579.975	179.536
2013	829.718	828.609
2014	580.757	387.072
2015	846.338	973.515
2016	584.294	1.147.274
2017	419.299	864.531

3. *Hversu oft á hverju ári fengu ráðherra og ráðuneytisstjóri 1/3 hluta dagpeninga og hve oft 2/3 hluta?*

Reglur nr. 1/2009, um greiðslu ferðakostnaðar vegna ferðalaga á vegum ríkisins, tóku gildi 6. mars 2009. Skv. 9. gr. reglnanna gildir reglan um greiðslu á 1/3 hluta og 2/3 hlutum dagpeninga einungis vegna ferða ráðherra og forseta Hæstaréttar. Eftirfarandi tafla sýnir hversu oft, á ári hverju, ráðherra fékk 1/3 hluta dagpeninga greiddan og hve oft 2/3 hluta.

	Ráðherra 1/3	Ráðherra 2/3
2006	Á ekki við	Á ekki við
2007	Á ekki við	Á ekki við
2008	Á ekki við	Á ekki við
2009		2
2010	1	6
2011		6
2012		6
2013	2	9
2014	1	6
2015		8
2016		5
2017		7

4. *Hverjar voru árlegar fjárhæðir, skipt á ráðherra og ráðuneytisstjóra, vegna hóteldgistingar þeirra annars vegar og hins vegar annars ferðakostnaðar?*

Eftirfarandi tafla sýnir árlegar fjárhæðir, skipt á ráðherra og ráðuneytisstjóra, vegna hóteldgistingar þeirra annars vegar og hins vegar ferðakostnaðar frá árinu 2006.

	Ráðherra		Ráðuneytisstjóri	
	Dvalarkostnaður	Ferðakostnaður	Dvalarkostnaður	Ferðakostnaður
2006	861.899	873.212	472.288	1.210.152
2007	1.204.280	1.637.264	766.930	1.851.196
2008	1.601.729	2.020.887	1.146.239	2.159.980
2009	252.915	223.450	70.795	390.850
2010	328.930	1.474.950	294.823	568.970
2011	387.831	1.318.830	287.969	690.460
2012	369.758	1.820.500	135.946	322.630
2013	757.757	3.936.680	104.376	1.114.285
2014	838.595	1.338.070		332.130
2015	1.211.469	2.176.470	119.004	1.148.282
2016	647.529	1.627.961	158.828	1.102.573
2017	536.949	1.588.768	111.071	557.613

5. *Í hversu mörgum tilfellum hvert þessara ára var ráðherra eða ráðuneytisstjóra ekið út á flugvöll í bifreiðum ráðuneytisins og í hve mörgum tilfellum endurgreiddu þeir þann hluta dagpeninga sem ætlaður er til að standa undir þeim hluta ferðakostnaðarins?*

Samkvæmt 1. mgr. 8. gr. reglugerðar nr. 1281/2014, um bifreiðamál ríkisins, skal ríkið leggja ráðherrum ríkisstjórnarinnar til bifreið til afnota vegna starfa þeirra. Af því leiðir að ráðherra er jafnan ekið til flugvallar í bifreið ráðuneytisins. Ráðuneytisstjóra hefur á hinn bóginn ekki sérstaklega verið ekið til flugvallar í bifreið ráðuneytisins.

6. *Hversu oft og hve háar voru árlegar endurgreiðslur ráðherra og ráðuneytisstjóra vegna styrkja og hvers konar hlunninda sem þeir nutu erlendis og eiga samkvæmt reglum ferðakostnaðarnefndar að koma til frádráttar almennum dagpeningagreiðslum?*

Samkvæmt 7. gr. reglna nr. 1/2009 skulu styrkir og hvers konar hlunnindi varðandi gistingu og fæði sem ríkisstarfsmenn njóta meðan á dvölinni stendur koma til frádráttar almennum dagpeningagreiðslum eftir því sem við á og unnt er að meta hverju sinni. Á ferðalögum ráðherra og ráðuneytisstjóra ber við að gestgjafi eða sá aðili sem hýsir fund bjóði veitingar eða standi fyrir kurteisisviðburði sem hæfir tilefninu. Hefð hefur ekki skapast fyrir því að leggja sérstakt mat á umfangið þannig að það hafi leitt til frádráttar frá almennum dagpeningagreiðslum.